

и бе аки гром от ломления копейного и от звуку мечного, и от щитов на-
скакания; и кровь аки вода лияшесь. И побежени быше немцы, и гнаше-
ся за ними по езеру Чудскому, секуща их, за семь верст до Соболичского
66 об. берега. И возвратися князь Александр в Новград || Великий с великою по-
бедою. И не обретеса ему противника никогда же, и прослы имя его по
всем странам от моря Варяжского до моря Понтъскаго и до страны Ти-
вирийския, и до гор Араратских, и до Рима великаго. Того же лета при-
слаша немцы ко Александру с поклоном, глаголюще: «Что есми взяли лю-
дей ваших в полон, и мы тех отпустим, а вы наших». И тако смиришась, а
полон обои отпустиша их.

Того же лета князь великий Ярослав Всеволодович иде^а во орду ко
царю Батыю. Батый же почти Ярослава и даде ему старейшинство во
всей Руской земли; и прииде с великою честью. В лето 6753 князь Яро-
слав Всеволодович со братею || своею и з братоничи, и со внучеты, и з
детми поиде во орду ко царю Батыю; и царь Батый держав их у себе, да
послав к кановичам и бе у кановичев обажен Федором Яруновичем ко ца-
рю Батыю, и многи истомления прият за землю Рускую. И отпустиша
его. И изнемогше, мало отшед от канович, и преставися во иноплеменницах
нужною семертию. И сяде в Володимери на великом княжении брат его
Святослав Всеволодович, а братаничи свои — князя Александра Невского
и Ондreja, и Константина, Данила, Михаила, Афонасия, Василия, Яослава —
посажа по градом, якоже уряди отец их. Того же лета от царя Батыя вен-
67 об. чась мученическим венцем князь великий Михайла Чернигов||ский и з бо-
лярином своим Феодором. Того ж лета иде во орду Князь Александр Нев-
ский. Видев же его царь, и рече велможам своим: «Яко же сказаша ми о
нем, тако и есть — несть сему князю подобен никто образом». И почтив
его, и отпусти к кановичем, и кановичи та тож дивишась ему. И отпустиша
его с великою честью, и праказав ему всю Рускую землю и Киевскую.

В лето 6771 преставися князь Александр Невский во иночестве и ски-
ме; положен бе в Володимери у Рожества пречистые в монастыре. По нем
сяде в Володимери брат его князь Ярослав Ярославичь Тверский и прият
всю власть во всей Руской и Киевской земли.

^а В ркп. иде.